

Banh Ndei Bauq Minzcuz

□ Lanz Gozvuj / 蓝国武

Bi 1983,
Gihyijveij iucingi;
Raeuz bae daengz Namzningz,
Hai dunghsinyenz vei.

Bauq Sawcuengh fuzganh,
Vih banh ndaej engq ndei;
Gak boux youq gak deih,
Comz ma neix doxyaeng.

Youq cwngefuj lij dangz,
Angq lingjdauj baugau;
Sawcuengh gig cung' yau,
Raeuz dingq ngeix rapnaek.

Bouxcuengh youq Cunghvaz,
Minzcuz baiz daihngeih;
Youq lajmbwn seiggyaiq,
Baiz daih seiqcib bet.

Bouxcuengh raeuz sawcih,
Cihmeh seih Lahdingh;
Ngoenzneix ndaej doihengz,
Ndown bingz gak guek saw.

Vih Bouxcuengh vwnzva,
Muengh daihgaya cengheiq;
Senhconz baudauj ndei,
Couh hingz ndaej biengz haenh.

Vih Mbanjcuengh fouqmiz,
Aeu sawcih yinxloh;
Mbwk sai hung iq rox,
Gungzhoj bae mbouj dauq.

Banneix seizdaih moq,
Aeu gohyoz gisuz;
Hong neix sou bae guh,
Sawcuengh miz maqmuengh.

Goujcib roek boux doih,
Mbwk sai comz youq neix;
Dingq coenzcoenz miz ngeih,
Vuenheij bekwngz angq.

Bause gij lingjdauj,
Youh daeuj guh ciji;
Faenzcieng baenzlawz sij,

Gidij lwnh hawj raeuz.
Lwnh siusik yenzcwz,
Lwnh faenzcieng Sawcuengh;
Lwnh laeb' eiq sanjvwnz,
Lwnh sei fwen vangraeh.

Dingq le son veh neix,
Doiq faenzcieng daezsang;
Doiq dawz gingniemh gangj,
Youh yamq sang mbaeklae.

Daihgya caez daujlun,
Un ngoenzgonq baenaj;
Raeuz gak boux gangj vah,
Byaujdaz ndawsim ngeix.

"Gou bae daengz dieg ranz,
Ndw mbanj miz saeh moq;
Bien sei fwen siujcoz,
Bause rox siusik."

"Gou daengz dieg hagdangz,
Son 'sueng' vah (sanghyij) gyauyoz';
Saw Gun Cuengh caez rox,
Caez coh bauq geiq gauj."

"Gou bae daengz danhvei,
Haengheiq sij faenzcieng;
Iu doih veh sei fwen,
Caez yiangq bause soengq."

Lingjdauj guh cungjez,
De gujli gyoengqraez;
Veh saeh ndei hawj bauq,
Aeu naj hawj Mbanjcuengh.

Haemh bae gih lij dangz,
Angq yawj vwnzungghdonz;
Yienjheiq hawj raeuz ngonz,
Caen ndaenggon raixcaix.

Youq lij dangz bakdou,
Caez ciuqsiengq louzniemh;
Baen bouxvunz mbaw siengq,
Guhyiengh ce lwglan.

Haethaenx yaek doxbiek,

Nanz biek youh nanz faen;
Cog byawz ndaej doxraen,
Caiq daeuj un cingzcek.

Bae gak yienh bonjmbanj,
Bae danhvei gunghcoz;
Caez roengzrengz sejcoz,
Bauqceij coh ok yinz.

Gyangngoenz muengz hwnjdangz,
Angq son nyez hag saw;
Haemh vunz gaenq ninz caem,
Ngeix faenz ndei youh veh.

Naengz doiq ngoenz lij bai,
Saenq byaij bae yienh geiq;
Haet bae riengz ndaundeiq,
Haemh dauq miz ronghndwen.

Ngoenzneix loh ci doeng,
Bae soeng liuz haujlai;
Haet riengz ci bae gvaiz,
Caih louz haw yawj doih.

Yienznaeuz nienz caetlingz,
Ging haemzhoj vandiemz;
Raen guekgaya daihbieh,
Lienz ninz fangzhwnz veh.

Aenvih ndang ndi bingh,
Aen sim goj leix coz;
Duiyouh hong ndi doz.
Veh fwen go danq(angq) ciuz.

Gij doih raeuz caemh hoih,
Guhdoih daeuj sij fwen;
Gaijgwz hailangh diemz,
Caez veh fwen rim deih.

Aeu raemxhaij guh maeg,
Lag mbwn ma guh ceij;
Dangj raeuz gij cingzngaih,
Ndei byawz veh ndaej liux.

Seiqcib bi gvaqbae,
Laeq(ngonz) siengq dunghsinyenz;
Venj gyangdangq gwnz ciengz,
Guhyiengh gou gaenx veh.

Bi 2023,
Bause gvnsim gou;
Caiq bingz ndaej funglouz,
"Youhsiu dunghsinyenz."

Caez yiangq baihnaj siengq(ngonz),
Muengh dunghsinyenz raeuz;
Nynhcaen bae sij gauj,
Banh ndei bauq minzcuz.



Mbwn lamz fwj hau funggingj ndei.

Vangz Yinz ingj

Daengngoenz Baihdoeng Mbouj Rox Doek

—Cimh Riz Bak Bi Cungguk Gungcanjdangj

□ Cingh Swmungz / 清似蒙

5. Gwzming Daengz Doeksat

Ndaemq haauj Dabezsanh,
Yi-Suh-Vanj cap bing,
Yisih(豫西) baek geiznding,
Namzging youq mbouj onj.

Fanjdungbai guh daeuz,
Guek raeuz mbouj baenzziengh,
Yaek dwk roengz laux Ciengj,
Cij ndaej bienq baenz ndei.

Doengbaek rumz hwnj gonq,
Bongj Gijcough Sinjyangz,
Beksingq angqyangzyangz,

Ndaej gyaep fangz gyaep gvaic.

Vaiz-Haij daihdoih bing,
Youh dwk hingz mbat ciengq,
Ndaek cungjaiz laux Ciengj,
Fanhfanh siengj mbouj daengz.

Bingz-Cinh moeb song gyaauj,
Yienzhaeuh humx Baekbingz,
Aeu cwngeci gung sim,
Ndaej hozbingz gaijfang.

Sam aen daih canyiz,
Ciengj Gaisiz camjbaih,

Bingdoih fanjdungbai,
Gag simnaiq simliengz.

Yinghyungz Dungj Cunzyui,
Eiqceiq geng lumj gang,
Bouxvunz miz dandang,
Vut ndang caq diuhbauj.

Liengz Swyingh hix baenz,
Laemxsim gaen Dangj byaij,
Hoengxiengq laebgoeng daih,
Seiqhaij cungj riuzmingz.

Namzging saw lauxbonj,

Gag hanh conh ndang saenz,
Gungcanjdangj daeknaengz,
"Gwzming daengz doeksat".

Mauz(毛泽东) Cuh(朱德) baez hemq
sing,
Diuh giengzbing bak fanh,
Moeb gvaq Dahcangzgyangh,
Gaijfang mbiengj baihnaz.

Rumz haenq mbawfaex doek,
Duzguk dangq duzmeuz,
Laux Ciengj biu hanhheu,
Ndotdeuz bae Daizvanh.